

D. F. G.
DISSERTATIO ACADEMICA,
DE
SYMPATHIA
ANIMORUM HUMANORUM.

CUJUS
PARTEM POSTERIOREM,
CONSENSU AMPL. FACULT. PHILOS. ABOËNS.

P RÆS I D E
M. HENRICO GABR.
PORTHAN,

Eloquentiar. PROFESSORE Reg. & Ord.

Publicæ disquisitioni submittit
JOSEPHUS HOECKERT,

Stip. Reg. Borea-Fennus.

In AUDITORIO MAJORI Die XXI. Junii,
An. MDCCCLXXX.

H. A. M. C.

A B O Æ,
Impressa apud Viduam Reg. Acad. Typ. J. C. FRENCKELL.

VIRO
Perquam Reverendo & Clarissimo,
D:no JOHANNI HOECKERT,
Sacellano in Nousis meritissimo,
PARENTI INDULGENTISSIMO.

Ecce Parens Indulgentissime, primitias industriae meæ Academicæ, Te jubente conscriptas, Tuis impensis in lucem editas, Tibique, ut Tuorum in me collatorum beneficiorum, meaque vicissim pietatis & venerationis, publicum aliquod exsisteret documentum, dicatas! Accipe Parens Indulgentissime, hunc fructum studiorum meorum, quibus promovendis nullis pepercisti curis, nullisque, quantum res curta domi permisit, sumtibus, hilari, quo solet animo sator, suæ fementis exspectatam messem. Mihi nihil erit jucundius, quam pro Tua perenni felicitate, pia ad omnis felicitatis fontem fundere suspiria, & ad urnam esse

PARENTIS INDULGENTISSIMI

*Filius obedientissimus
JOSEPHUS HOECKERT.*



PRÆFATIUNCULA.

Quum non permetteret ratio vel temporis vel facultatum, ut telam Dissertationis Academicæ, quam ante biennium exorsus esset Frater meus carissimus, de Sympathia Animorum humanorum totam, prout animo constituerat, pertexeret; nec spes esset, ut occasionem continuandi consilii cito nancisceretur: ne mancum fieret opusculum, visum fuit mibi studiorum Academicorum aliquod documentum edituro, hunc laborem suscipere, ac nobilis argumenti disputationem absolvere. Fundamentis igitur rei generalibus accurate jam positis & explicatis, quum reliquum sit, ut pro consilio materiæ tractande ab initio capto, applicatio hujus doctrinæ ad Rhetoricen & Poëticen specialiter instituatur & explicetur; in eo præcipue versabimur, ut quem usum in his disciplinis explicandis sympathiæ mentium cognitio & diligens consideratio pariat, quantam lucem præceptis affundat plurimis, quas cautiones afferat, verbo, quantam vim in veram & utilem barum literarum intelligentiam ac rationem habeat, paucis doceamus.

§. IX.

Significatum in superioribus jam fuit (a), quam potens auxilium ad fidem generandam sympathiæ vis subministret: quod itaque arripere & ad mentes hominum vincendas adhibere, summa industria, cum Orator, tum Poeta studeant; quorum utrique id maxime agitur, ut a-

C 2

nimos

(a) §. III. & IV.

nimos auditorum lectorumque expugnet, & suas illis sententias, suos motus feliciter infundat. Nihil itaque quod ad hanc tantam rem conferat, intentatum, nihil inexperatum dimittere debent. Pertinet huc, ut cum in *probando* tum in *narrando*, contra *verisimilitudinem* nusquam peccent: verisimile autem hominibus videtur, cui similia saepe experti sunt, quod cum suis ideis ac opinionibus consentit; qualis igitur facies, qualis forma, assertis argumentisque nostris, quantum fieri possit, summa diligentia danda est. Ac vel hinc patet, quam necessarium dicenti sit, ut Auditorum suorum mores & ingenia probe cognoscat, ac ad rationem eorum, orationem suam studiose conformet, quae aliena & inepta sint, quae suspecta, quae a vero abhorrentia, quae absonta videantur, non immisceat, (multo minus ea afferat, quae etiam offendant, quae odiosa sint, quae tanquam a se repellant animos audientium ac legentium, quae ludibrio & contemtui dicentem exponant (b)): cuiusmodi rebus omnis sympathiae ardor, tanquam ignis aqua affusa, illico extinguitur (c). Contra fictae etiam narrationes & scenicae factorum ac eventuum imitationes, quamdiu nihil in illis occurrit, quod verisimilitudinem laedat, ac mentem legentis spectantisve, rerum probabilitate seductam, ex jucundo illo suo quasi somnio excitet, tenent animum, delectant, movent. Unde etiam intelligitur, quanti habenda sit in Fabulis Dramaticis, *trium* illarum notissimum, quas vocant *Unitatum* accurata observatio; quam qui contemnunt, contra leges peccant non *Aristotelis* mo-

(b) Cfr. §. X.

(c) Quod interim dum legitur, auditur, spectatur, improbabile, fictum, absurdum videtur; illud nullo modo potest phantasiam nostram in suas partes trahere, aut in animo nostro *Sympathiam* aliquam excitare.



modo, sed ipsius ingenii humani. Nec potest sane negari, veterem Græcorum morem, qui scenam durante spectaculi tempore oculis spectatorum nunquam subducabant, sed intervalla actuum choro tribuebant, verisimilitudini & ingenii humani naturæ fuisse convenientiorem, quam hodiernam rationem (modo Poëtis non de-
eslet dexteritas chorū cum ipsa actione apte connectendi), qua vel symphonia audienda fabula interrumpitur, vel aliis etiam alienioribus rebus, animus interim refri-
geratur, præstigia phantasiaz dispelluntur penitus, & ve-
risimilitudo rei spectandæ tota perit. Muito vero magis absonum, immo barbarum plane, illud censendum est Ita-
lorum institutum, quod olim placuit, ut etiam alienis &
scurrilibus adeo ludis (*Intermezzi* vocabant) dramatum
gravissimorum seriem fecde interpellarent; consilio vix
Dramatibus Musico-miraculosis (*Operas* appellant) conce-
dendo, in quibus tamen (ut auribus tantum & oculis,
non menti quoque satisstat, excogitatis) nihil verisimili-
ter, nihil naturaliter agitur, omnia in alio ab hoc no-
stro mundo, mirabiliter, monstrose, prodigialiter gerun-
tur.

§. X.

Neque minus luculenter ex observata supra sympa-
thiaz natura (a) intelligitur, cur morum honestas, gravi-
tas, candor & amabilis elegantia, ex vita ac oratione di-
centis elucens, tantam vim habeat ad mentes auditorum
capiendas fidemque dictis suis comparandam. Cum eo-
rum enim sensibus quos veneramus, quos amamus, si-
milem facillime concipimus voluntatem. Unde patet,
quam perverse contra agant, qui negligentia, contemtu
auditorum, malisque cupiditatibus prodendis, *Antipathi-*

(a) §. V. p. 8.

quandam in animis audientium potius excitent, quam perversionem gignere studeant, vim orationis suæ ipsi stultissime impedites. Cujuſ tamen stultiæ exempla, non rata occurrunt. Quid vero potest esse fidei conciliandæ & excitandæ sympathiæ, magis inimicum, quam cum dicens sub odiosa fe conspiciendum præbet forma? Immemor, hujus sensus adeo teneram esse atque mollem naturam, ut etiam, quæ species maximo excitando patres esse videantur, incurritibus ideis alienis eique contrariis, vim suam perdant. Quod experiendi nemo fere occasionem non habuit, in hominibus cum calamitate quadam conflictantibus, quam aut meruisse videantur, aut quæ ideas commiserationi inimicas in mente spectatoris excitet, adeoque affectum hunc, cæterum maxime Sympathicum, penitus suffocent (b).

S. XI.

Ut *affectus* autem perite & feliciter excitare Orator & Poëta valcat, ex hac doctrina probe perspecta, ac sympathiæ

(b) SULZER, Allgemeine Theorie der Schönen Künste, voc. Mitleiden: Der Dichter, der Thränen des Mitleidens will flecken machen muß nicht nur das elend der personen lebhaft schildern, sondern vorher unsre hochachtung und zuneigung für sie erwecken. --- Ist der hochachtungs würdige Mensch bey seinem Leiden noch geduldig, oder entsteht sein elend ganz unmittelbar aus der größe seiner Tugend, so steigt das Mitleiden auf den höchsten grad. cfr. quæ de lege *associationis idearum* monent Philosophi, inter alios, SEARCH Light of Nature Vol. I. C. 9. & 10. Et in genere de morum efficacia ad perversionem generandam Dissert. Pracl. Dn. Mag. SIMONIS APPELGREN de Moribus oratoris A:o 1778 in hac Acad. defensam, §. III. seqq.

pathiæ vi sapienter in partes vocata, in primis pendet. Affectus vero in omni oratione ac in omni poësi dominari, & efficacissimum gignendæ persuasionis præbere adminiculum; hac una re totam vim ac quasi vitam eloquentiarum contineri; vix monere opus est: in oratione eo quidem adhibitos consilio, ut *fieri* amur ad agendum, quod sine affectu quodam vix unquam fieri potest, in poësi autem, ut animi motu excitato *delectemur*. His igitur animorum facibus atque commotionibus accendendis, nullam aliam esse nec certiorem viam, nec efficacius adjumentum, quam vehementem ejusdem motus, quem in aliis excitare volumus, in nostro pectore grasstantem ardorem, (quod experientia etiam demonstrat ^(a))

ex

(a) Unde egregie CAUSSINUS de Eloqu. S. Et' Human. L. VIII. c. 4. Prima inquit Et' omnium potentissima motus excitandi ratio in similitudine affectuum est posita. Quos enim impressos habent motus oratores, eos facilius in auditorum pectus transfundunt. Ardere te oportet, si vis incendere, tristari cum mestis, cum iratis excandescere. Nihil æque flexibiles trahit animos, ac tota ratio similitudinis". Quod nequaquam veteres quoque Rhetores fugit. Cfr. CICERO de Oratore L. II. C. 45. & QVINC'FILIANUS Inst. Orat. L. VI. C. 2. cuius verba sunt: Summa enim circa movendos affectus (quantum ego quidem sentio) in hoc posita est, ut moveamur ipsi. - - - Quare in iis, quæ verisimilia esse volemus, simus ipsi similes eorum, qui vere patiuntur, affectibus: Et' a tali animo proficiatur oratio, qualem facere judicem volet. An ille dolebit qui audiet me, hoc cum dicam, non dolentem? irascetur, si nihil ipse qui in iram concitat, idque exigit, simile patietur? siccis agenti oculis, lacrimas dabit? Fieri non potest: Nec incendit nisi ignis, nec madefacimus nisi humore: nec res ullæ dat alteri colorem, quem ipsa non habet. Primum est igi-

ex supra explicata sympathiæ indole manifestum fit. Eo igitur omne studium, omnem laborem referat Orator atque vates, ut in sua primum mente eam sensus vehementiam excitet, cuius quasi contagio, ut lectores, in primis autem auditores ac spectatores, corripiantur, ex optat. (b) Quod si neglexerit, stultissime ac non sine maxima caussæ jactura, omnem perdit incredibilem illam sympathiæ opem, qua miseri & quivis animo commoti, tam vehementer mentes nostras concutiunt, & qua nec mendici feliciter uti nesciunt, qui si frigida voce, gestu tranquillo, serena fronte, stipem poscerent, vix iram nostram effugerent, cum jam sensu calamitatis & doloris exprimendo, eundem in nobis quoque gignant. Vel levissima adhibita attentione liquet, quam turpiter contra probabilitatis observandæ (quam §. IX. sanximus) legem peccet, qui frigidus ipse auditorum mentes incendere conetur: cuiusmodi orator, impudentissimus histrio, & malæ caussæ patronus fraudulentus, nemini non videbitur qui aures habeat & oculos, qui affectuum linguam unquam audierit, ac vim eorum vel ipse fenserit, vel in aliis observaverit. Absurdum ergo creditu est, fore, ut hujusmodi orator vel fidem apud auditores inveniat, vel animos eorum ciere valeat. Nec sufficit dicenti generalem quandam affectus quo inflammare alios studet, similitudinem quadantenus adumbrare, sed naturalem, veram, perfectam, exprimere oportet, omni servata quasi colorum accuratissima varietate, qua se natura ipsa, pro sensuum & motuum indole modoque diverso pro dit;

tur ut apud nos valent ea, quæ valere apud judices volumus: afficiamur, antequam afficerem conemur.

(b) Quo vehementiore quis sit affectu correptus, eo illum potentiores in alio sympathiam excitare, supra jam indicatum est. §. V. p. 9.

dit; nulla coacta, fucata, falsa admixta specie, quæ simulationem indicet, ac omnem illico fidem vimque destruat. Hæc igitur, (quæ naturæ veritas, sponte exprimit exquisitissime), quæ ars, aut quæ diligentia, (illius non adjuta virtute), ita poterit assimulare, ut facile mox non deprehendatur? Prodit se quamlibet custodiatur simulatio; nec unquam tanta fuerit eloquendi facultas, ut non titubet ac hæreat, quoties ab animo verba dissentiant. QVIN-
CTILIANUS I. c. L. XII. C. I. (c) Quamobrem *Anto-*
nius (apud CICERONEM *de Orat.* L. II. C. 47.) iis, quæ
D pro

(c) Verissime SULZER I. c. voc. Ausdrük in der Schauspielkunst: Es scheint, daß ein Mensch, der in eine gewisse Leidenschaft gesetzt ist, sie durch viel kleine, niemals deutlich zu merkende kennzeichen anföhre, die, zusammen genommen, den wahren Ausdrük der Natur ausmachen. Alles geht mechanisch ohne unser Bewußtseyn zu. Da uns nun alle die kräfte, wodurch jede muskel des Veibes gezogen wird, wenn wir gewisse Leidenschaften fühlen, unbekannt stadt, so kann der Vorsatz zu ihrer Wirkung nichts beytragen. Es giebt keine Theorie, nach welcher wir unserem Gesichte die Traurigkeit einprägen können. Sind wir aber wirklich traurig, so setzt sich alles von selbst in die gehörige Gestalt. Item voc. Leidenschaft: Getreue, zugleich aber lebhafte Schilderungen der Leidenschaften, nach den verschiedenen Graden ihrer Stärke, von den ersten Regungen an, wodurch sie entstehen, bis auf den höchsten Grad ihres vollen ausbruchs, und nach den mancherley abänderungen, die von dem Charakter der Personen und den besondern Umständen herrühren, gehören zu den wichtigsten Arbeiten des Künstlers, der vornehmlich in Absicht auf diese Verrichtung ein großer kenner des menschlichen herzens und ein vollkommener maler aller innerlichen und äußerlichen Regungen des Herzens seyn sollte. Es wäre ein sehr vergebliches Unter-



pro M' Aquilio dixerat commemoratis, graviter addit:
*Quibus omnibus verbis, quæ a me tum sunt habita, si dolor
absuisset meus, non modo non miserabilis, sed etiam irri-
denda fuisset oratio mea.* Nec vere tantum iisdem orator
ardere ipse debet affectibus, quos in auditorum accen-
dere studet mentibus, sed etiam pro sympathia eo vehe-
mentiori excitanda, has ad concipiendos quos optat sensus
motusque, diligenter & perite præparare, sensim ad
illum statum adducendo, a quo facillimus sit ad affectum
suum transitus (*d*); ubi quod de prudentia accommo-
dandi

nehmen, wenn man das, was hierzu gehöret, in Regeln fas-
sen wollte; wo nicht das Gemüth des Künstlers von der
Natur die Leichtigkeit bekommen hat, sich selbst in jede Leid-
enschaft zu sezen, und jeden Charakter anzunehmen, da
hilft ihm kein unterricht. — — — Wir wollen das, was dem
Künstler über den Ausdruck der Leidenschaften zu sagen ist,
in eine einzige Regel zusammenfassen: Er übe sich mit dem
hartnäckigsten Fleiß, alles, was er auszudrücken hat, selbst
wohl zu empfinden, und wage sich an keine Schilderung der
Leidenschaft, bis es ihm gelungen ist, sich selbst in dieselbe
zu sezen. Denn es ist unmöglich Empfindungen auszudrü-
cken, die man selbst nicht hat. Cfr. si placet, *Dissert. Acad.*
nuper citatam §. VI. p. 11. nec non *Dissert. Pracl. D.*
Mag. RVDMAN 1778 in hac Acad. editam *de officio O-*
ratoris S. in argumentis inveniendis, §. III. p. 11. sq. 14.
sq. §. IV. p. 16. sq.

(*d*) Confr. supra §. V. Itaque nec affectui aliorum,
quem vel lenire vel reprimere cupiat, aperte ac directa
quasi fronte repugnare statim debet, sed eodem primum
sensu assumendo, aditum sibi ad animos eorum pruden-
ter munire, ac tum demum efficacissimis paullatim ad-
ducendis argumentis, perturbationem sibi incommodam
debilitare & tandem abolere. Cujus artificii pulcherri-

dandi se, quantum fieri possit, ad ingenia, ideas ac mo-
res eorum qui audiunt spectantve, jam monuimus (§.
IX. p. 20), simul accuratissime tenendum & studiosissi-
me observandum est: ac, cum in alios affectum vel fa-
ventem vel aversum auditoribus elicere volumus, illo-
rum imago, conditio, fortuna, talis depingenda, quæ ad
hunc effectum gignendum maxime sit valida. Quorum
omnium præceptorum & fundamenta & explicatio, ex
supra disputatis, facillime patescunt.

§. XII.

Maximi præterea est momenti, ut ad sympathiam
generandam, ita ad affectus excitandos, ut Orator ac Po-
ëta rem quam affert non *intellectui* tantum explicet, sub-
tiliter definiendo, argumentando, concludendo, univer-
sales & abstractas ut vocant ideas adhibendo, summa rantium
eius capita attingendo; sed ad *phantasiam*, quantum fieri pos-
sit, illam admoveat, quam maxime vivide & sensibiliter de-
pingat, *oculorum* in primis & *aurium* sensui fere subjiciat, qui
uterque ut phantasiam proprius quasi attingit, ita per eos
omnis sympathia ad animum nostrum maxime propaga-
tur (a). Acutissimi dudum observarunt Philosophi, ni-

D 2

hil

mum habemus exemplum in Oda HORATII consolato-
ria ad *Virgilium*, quæ est XXIV Libri Iimi Carminum;
ad quam præclare interpres egregius: *Neque enim prius*
lacrimas amici abstergere possumus, quam in illas & nostræ
influxerint; nec mederi ejus dolori prius quam huic indul-
serimus, cumque confirmarimus. Deinde ubi se in illius a-
nimum insinuavit, sensim vulnè medicinam adbibet.

(a) Itaque veteres, qui haud nescirent quantum in-
de ad affectus excitandos adjumenti accederet, neque ve-
ras species sensibus ipsis subjecere dubitabant, & sic ora-

hil in mentem efficaciter satis agere, & ad agendum in primis nos posse impellere, nisi aut sensui aut phantasie praesens sit: quamdiu soli intellectui obversatur, quasi elonginquo spectatur, ac debilem igitur vim exercet. Timidus etiam ac ignavus tempore pacis militiae nomen dat, ut stipendio fruatur, ac habitu militari in otio superbire queat; naufragio elapsus, post aliquod temporis intervallum rursus mare petit, prioris periculi quasi oblitus. Cum idea phantasie ita vivide objicitur, ut sensibus quasi praesens appareat, tum nos denum movere valet, concutere, accendere; idealis haec praesentia, vice jam fungitur verae ac ut loquuntur realis: & ita demum ideæ cum sensu animi conjunguntur (b). Cfr. supra §. II. & HI.

tionis vi suppetias afferre. Hinc lugubris ille in judiciis Romanorum apparatus, folidæ reorum vestes, liborum, propinquorum, amicorum, advocatorum, subsellia implentium squalor & lacrimæ, *Servii Sulpitii Galbae* pro se, *Hyperidis* pro *Pbryne*, *M. Antonii* pro *M' Aquilio* dicentum, Tragedie notissimæ; cfr. CICERO de Orat, L. I, C. 53. L. II, C. 28. & 47; QVINCTILIANUS I. c. L. II. C. 15. Quanto successu *M. Antonius* Triumvir hoc eodem artificio ad furorem populi in C. Cæsaris interfectores incitandum utsus sit, docet PLUTARCHUS in vita ejusdem *Antonii*: quare SULZER I. c. dicit: Der an sich geringe umstand, das *M. Antonius* bey der Leichenrede auf den Cæsar das blutige Gewand des ermordeten Diktators dem Volke vorzeigte, hat Rom um seine Freyheit gebracht. Potentissimo hoc admiringulo, quo illi fortasse plus quam par est usi sunt, hodie uti fere negligimus.

(b) Cfr. LOCKE *Essay concerning Human understanding*, Book II, C. XXI, §. 35, 37, 38. SEARCH I. c. Ch. VI. §. 13. sqq. HOME *Elements of Criticism* Vol. I. Ch.

& III. Hinc etiam viros eloquentiae laude clarissimos
hoc præceptum accuratissime observeasse, scripta illorum
testantur. Sic CICERO in *Oratione pro Milone*, ut judi-
cibus persuaderet Milonem infidiis Clodii petitum ac pro-
vocatum, sui defendendi causâ inimicum occidisse, to-
tum intersectionis Clodianæ actum adeo vivide & sensi-
biliter depingit, circumstantiis etiam minutioribus non
neglectis, ex. gr. habitus, comitatus, loci, temporis, ut
auditores in spectatores quasi mutare videatur, quo indi-
gnitate rei commoti, eundem quem Milo affectum sen-
tirent, & suæ ita caussæ patrocinium animo susciperent:
ut alia plurima ejusdem orationis loca præclarissima non
attingamus. Sic etiam Historici, cum Lectorum mentes
commovendo, ad attentius, cupidius, & jucundiori sensu
facta eventusque persequendos allicere illos volunt, sciunt re-
bus vividissime repræsentandis ac quasi depingendis, pro-
positum assequi suum. Exempla præbent, ut ex infinitis
tria commemorem, LIVIUS certamen illud tergemini
morum Romanorum Albanorumque pulcherrime ac ju-
cundissime describens L. I. Cap. XXV, & SALLUSTIUS *de
Bello Jugurtino*, C. LX, prælii ad Zamam facti spectaculum
exponens, & XCIV, sollertia laboremque depingens Li-
D 3 guris

II. P. I. Sect. VI; qui egregie hæc illustrant. Praclare e-
tiam SULZER l. c. voce Leidenschaft: Dieses dienet also
zuerst zur beantwortung der frage, wie Leidenschaften zu er-
wecken sezen. Nämlich es geschiehet durch eine lebhafte
schilderung leidenschaftlicher gegenstände, besonders wenn die
phantasie dabey erhült wird. Wer uns in furcht sezen
will, muss wissen die gefahr eines uns drohenden übels der-
gestalt abzubilden, das wir sie als gegentwærtig und uns von
allen seiten drohend fühlen; und, so muss für jede zu er-
weckende Leidenschaft, der gegenstand, der sie verursachet,
geschildert werden.

guris cum sociis suis, montem saxeum, in quo castellum Jugurthæ Thesauros tutans situm esset, concendentis. Credas te non legere narrationem, sed rei gestæ ipsum interesse, & oculis auribusque quæ fiunt percipere, ac mentes etiam animosque hominum apertos inspicere. Atque hinc simul patet, ad affectus expugnandos & infringendos potentissimam rationem iniri, si imago sensu-alis rei, qua irritantur, in partes quasi suas dissoluta, menti successive sistatur, ac intellectui lente examinanda tradatur: quo artificio feliciter usos esse Stoicos Philosophos, adducto in primis exemplo *M. Aurelii Imperatoris*, docte observat SULZER l. c., & causam rei indicat idoneam.

§. XIII.

Non est difficile ex hac eadem ratione videre, quanta debeat esse *Actionis* s. *Pronuntiationis* aptæ & præclaræ ad persuationem gignendam vis atque momentum: illius enim demum ope, animi sensus motusque, Sympathiam in auditorum mentibus excitare valentes, his innotescunt atque ad eas pertingunt (*a*); prout autem vel vivide ac tervide, vel languide ac frigide impertiti fuerint, ira efficaciter vel debiliter animos hominum afficiunt. Vox, vultus, gestus, animi quasi effigiem percipiendam præbent, & vitam orationi addunt; his neglectis, nec cogitare, nec sentire, Orator videtur, multo minus motu vehementi ardere, sed machinæ instar inanimis appetet. Hæc naturalia signa animi, linguae cujusdam natura-

(*a*) Cfr. s. §. præcedd. XI & XII; quare simul patet, quæ de vi affectuum oratori ipsi impressorum, ad Sympathiam in auditoribus excitandam diximus, ad *actionis* bonæ necessitatem demonstrandam simul maxime vale-re; hic igitur animo reperenda,

*turalis nomine non incommoda ornat REID, artificiali-
que, qua vulgo utimur, multo efficaciorem esse, evincit
(b). Praeclare quoque de tota hac re FABIUS (c): Habet
inquit,*

(b) *Inquiry into the Human Mind, on the Principle
of common sense; cujus quædam verba, ex interpretatione
Gallica (Recherches sur l'Entendement Humain, d'après les
Principes du sens commun) qua nos utimur, adferre lu-
bet. C'est surtout de ces signes naturels que le langage
emprunte la force & l'énergie; moins il en est rempli,
moins il est persuasif, moins il a d'expression. Voilà pour-
quoi l'écriture est moins expressive que la lecture, & la le-
cture moins expressive que la conversation. La conversation
devient elle-même froide & languissante, si elle n'est ac-
compagnée de ces inflexions propres & naturelles, de cette
force & de ces variations de la voix, qui la rendent si vi-
ve & si intéressante. La conversation devient encore plus
animée & elle reçoit plus de chaleur, si nous y ajoutons le
langage des yeux & celui des traits du visage. Si nous y
joignons la force de l'action, elle acquiert plus d'énergie
& se trouve naturellement alors dans son état de perfection.
Lorsque le discours est naturel, il devient non seulement un
exercice de la voix & des poumons, mais encore de tous
les muscles du corps; & cet exercice ressemble alors à celui
des muets & des sauvages, dont le langage, en se rappro-
chant plus près de la nature, s'apprend aussi plus aisément
& se trouve plus expressif. - - - Les signes artificiels si-
gnifient, mais ils n'expriment pas; ils parlent à l'enten-
dement, si vous voulez, comme les caractères & les figures
algébriques, mais ils ne disent rien au cœur, aux passions,
aux affections, à la volonté. Le cœur & les passions de-
meurent plongés dans le sommeil & l'inaction, jusqu'à ce
que nous nous servions du langage naturel pour leur par-
ler. Alors ils se réveillent, ils nous écoutent attentivement,*




inquit, miram quandam in orationibus vim ac potestatem. Neque enim tam refert qualia sint quæ intra nosmet ipsos composuimus, quam quo modo efferantur. Nam ita quisque ut audit, movetur. Quare neque probatio ulla, quæ modo venit ab oratore, tam firma est, ut non perdat vires suas nisi adjuvetur asseveratione dicentis. Affectus omnes languescant necesse est, nisi voce, vultu, totius prope habitu corporis inardescant. Nam cum hæc omnia fecerimus, felices, si tamen nostrum illum ignem judex (auditor) conceperit: nedum eum supini securique moveamus, ac non & ipse nostra oscitatione solvatur. Documento sunt vel scenici actores, qui & optimis poëtarum tantum adjiciunt gratiæ, ut nos infinite magis eadem illa audita quam lecta delebent, & vilissimis etiam quibusdam impetrant aures: ut quibus nullus est in Bibliothecis locus, sit etiam frequens in theatris. Quod si in rebus, quas fictas esse scimus & inanes, tantum pronuntiatio potest, ut iram, lacrymas, sollicitudinem offerat; quanto plus valeat necesse est, ubi & credimus? Evidem vel mediocrem orationem commendatam viribus actionis, affirmaverim plus habituram esse momenti, quam optimam eadem illa destitutam. Si quidem & Demosthenes quid esset in toto dicendi opere primum, interrogatus, pronuntiatiōni palmam dedit, eidemque secundum & tertium locum, donec ab eo quæri desineret: ut eam videri posset non p̄cipuum sed solam judicasse (d). Ideoque ipse tam diligenter apud Andronicum Hypocriten studuit, ut admir-

& nous obéissent. T. I. Ch. IV, Sect. 2. Et SULZER. I c. voce Ausdruck in Zeichnenden-Künsten: Die glieder unsers Körpers besitzen eine art der sprache. Alle gliedmaßen helfen dem Redner sprechen.

(c) De Instit. Oratoria Lib. XIII, C. 3.

(d) Cfr. CICERO de Orat. L. III, C. 56. & in Bruto C. 38.



mirantibus ejus orationem Rhodiis, non immerito *Aeschines* dixisse videatur: quid si ipsum audissetis? Et M. Cicero unam in dicendo actionem dominari putat: Hac Cn. Lentulum plus opinionis consecutum, quam eloquentia tradit (e): eadem C. Gracchum in defenda fratris nece, totius populi Romani lacrymas concitasse (f): Antonium & Crassum multum valuisse; plurimum vero Q. Hortensium, cuius rei fides est, quod ejus scripta tantum intra famam sunt, qui diu princeps Oratorum, aliquando amulus Ciceronis existimatius est, novissime quoad vixit, secundus: ut appareat, placuisse aliquid eo dicente, quod legentes non invenimus. Et bercele cum valeant multum verba per se, & vox propriam vim adjiciat rebus, & gestus motusque significet aliquid, profecto perfectum quiddam fieri, cum omnia coierint necesse est (g). Si ergo sine summo damno abesse haec facultas ab Oratore nequit, quanto damnosius est, si etiam deformi, absonta, manifesto facta actione auditores laedit! Cujus contemptum, quin fere iram, non excitabit, qui illa destitutus, tamen affectuum vi aliorum mentes fl-

E

Etere

(e) In Bruto C. 66.

(f) De Orat. Lib. III, C. 56; ubi postquam quædam verba ejus adduxisset, addit: que sic ab illo alta esse constabat, oculis, voce, gestu, inimici ut lacrimas tenere non possent.

(g) Cui ignoti sunt, effectus cantus & musicæ, qui sola voce eliciuntur? Quis nescit solo gestu, vultu, sono, nullis additis verbis, omnes fere affectus & significari posse & excitari promptissime? lamentabili ad dolorem, acri & irato ad metum, jucundo ad lætitiam, nos fere invitos concitari? Mutos etiam, hos sensus posse communicare vividissime? Pantomimos olim, actione sola, omnium affectuum vi ac varietate, spectatorum peccora permiscuisse? Etc.

etere instituerit? Quomodo verisimilia, quomodo ex animo & non ex simulatione profecta, quæ dicit, auditribus videbuntur? (b). Quare rectissime Auctor Rhetoricon. ad Herennium, *Hoc* inquit, *scire oportet, pronunciacionem bonum id perficere, ut res ex animo agi videatur.* Lib. III, Cap. 15. (i) Significatum jam fuit, duorum maxime sensuum ope, *visus* videlicet ac *auditus*, Sympathiam ad animos nostros pertingere (k); illorum autem totam vim *actio* iusta conjungit. Quanta igitur hujus esse virtus debet! (l). Inprimis cum tam vehemens est, ut ad entusiasmi

(b) Cfr. §. XI. Cui rei illustrandæ egregie inservit narratio quam habet PLUTARCHUS in vita Demosthenis, de hoc Oratore, ex voce & vultu hominis, de veritate injuriæ quam sibi hic illatam querebatur, judicante. Cfr. quoque CICERO in Brut., C. 80.

(i) Cfr. HORATIUS de Arte Poët. v. 101.-111. Quin mores etiam Oratoris, *actione* ejus, ad Auditores conciliandos, præclare significantur. Quamobrem de hac CICERO, nulla, inquit, *res magis penetrat in animos, eosque fingit, format, flectit, talesque Oratores videri facit, quales ipsi se videri volunt.* Brut. Cap. 38.

(k) Cur *auditus* in primis ad *Sympathiam* excitandam vehementer valeat, acute docet (ut totius hujus rei rationem præclare explicat) TETENS Versuche über die Menschliche Natur; cfr. I. Band, X. Vers. II., 3, 4, p. 664-683. Conculere etiam juvabit FEDER Untersuchungen über den Menschlichen Willen, I. Th. I. B. C. III., S. 16-21 p. 86-104 HOME l. c. passim.

(l) Eandem tamen adeo hodie negligunt, ut videantur prope noxiā homines putare. Sic in Sacris v. g. nostris orationibus, dicas cuncta, studio fere, ut ad affectum ardorem omnem refrigerandum, ita ad *actionis* in primis vim opprimendam, comparata esse. Non mo-



stasimi cuiusdam fines accedat, cuius contagio resistere homines fere nequeunt (ctr. §. VI, p. 11.). Accuratam autem esse oportere, ex dictis liquet: itaque nec gestus a vultu, nec hic a voce, nec vox ab argumento discrepare debet; neque pronuntiatio universæ tantum materiae indoli, sed singulis quoque orationis partibus, affectibus, quin sententiarum & lape verborum quasi coloribus accommodanda est. Nam hæc omnia natura diligenter exprimit. Quare rursus patet, quod supra jam monuimus, absurdum esse omnino, Oratorem affectibus tractandis operam dare, nisi qui ipse sibi illos primum elicere valuerit; quibus si ardeat, illorumque se veritati permittat, sine difficultate ad eam præstantiam actionis perveniet, quam nulla ars attingere valet (m). Legat

do textu prælegendō, certis precū formulis recitandis aut etiam missitandis, cantionibus quoque (ubi major aliqua insiderit solennitas) interjiciendis, rebusque interponendis plane alienis, series orationis abrumpitur & exordii vis infringitur; sed etiam, ne conceptus forte ex oratione mentis calor altius penetrēt ac perseverantius inhæreat, animi mox ad alia negotia, levia sāpe, interdum inepta consideranda, traducuntur: quas res cives perdidērint, quæ furta patrata sint, qui carcerem captivi effregerint, quid ad urbis, parœciæ &c. commodum, ut fiat, pertinere magistratus judicent, rel. Quæ jam usū, moribus, legibus ita invaluerunt, ut mutare non liceat. Ac ut nihil desit, voces quoque paullo aliter efferre, quam in sermonis veritate, fere placet; quin multi cantum etiam quendam peregrinum & deformem affectant, aliaque sponte vitia adsciscunt, ut appareat ex arte, non ex animo, non ex affectu, proficiisci quæ dicant. Quomodo igitur hujusmodi orationum yim, cum veterum illa comparare audebimus?

(m) Quantum ad actionem adjuvandam veri affectus

præterea ac perpendat hujus studiosus facultatis, quæ CICERO (n) & FABIUS (o) accurate præcipiunt, exerceat se diligenter, magistros, si fieri possit, peritos audiat, spectet, imitetur: hac via illam sibi comparare tandem poterit (p). Facile intellectu est, qui memoriter orationem suam pronuntiare voluerit, nec memoriae vi debere destitui; qua deficiente, non modo omnis peribit actionis virtus & veritas, sed etiam ingrata angoris, quo Orator laborat, sympathia auditores afficiuntur, vim omnem dictis suis exuente.

§. XIV.

Egregiam etiam hæc doctrina lucem præbet veræ rationi litteras elegantiores feliciter docendi, ac sanum exquisitumque harum rerum gustum in discentibus excitandi. Necessarium nimirum est, ut primum doctor ipse tenero veræ pulchritudinis sensu non destituatur, ut frigido, sicco & torpido non sit ingenio; deinde, ut non

ardor conserat, & Oratoris *M. Antonii & Comœdi Q. Rosci exemplum*, docet CICERO l. c. C. 46 & 47. *Poli Histrionis exemplum* non minus memorabile, adserit GELLUS *No. 9. Attic. L. VII, C. V.*

(n) L. c. Lib. III, C. 56 - 60.

(o) L. c. Lib. III, toto.

(p) Et summi vim, & difficultatem maximam, hujus facultatis egregie illustrat SULZER l. c. in primis sub vocibus *Gebehrden & Vortrag*; qui de tota hac ratione omnino consulendum. Dubitari haud potest, quin longe accuratius excoli atque explicari hæc doctrina & queat & debeat, quam fieri vulgo solet; imo notis quibusdam, ut *Musicis* in sonis modisque faciunt, multa utiliter posse significari putamus: quamvis fateamur, longe maximam tamen partem non præceptis, sed usu, imitatione, naturæ dactu, esse descendam.

non tam regulis subtiliter explicandis (licet sapienter su-
o que loco adhibitis pretium debitum haudquam vo-
lumus detractum), quam exemplis præclaris proponen-
dis, præstantissimisque auctoribus interpretandis & assidue
tractandis, discipulorum facultatem augeat ac confirmet
(e). Pulera autem atque egregia quæ interpretatur loca
non languide recitet, lente & remisse, sed vivide ac men-
te incitata, ita ut suos sensus in audientium quoque ani-
mos transfundere valeat; longe nempe aliter hæ litteræ,
quam v. g. Mathematicæ, doceri amant. Non est ita-
que obscurum, cur admiratores scriptoris alicujus, longe

E 3

semper

(a) Regulæ vel accuratissimæ & perfectissimæ, velut
mortuæ tamen sunt, vim animis indere nullam possunt;
exempla sentum simul mentis afficiunt, ac ad imitatio-
nem sui animum rapiunt; insensibiliter plura nos exqui-
sitissime docent, quam uila præcepta indicare valent,
quibus nec cuncta comprehendendi possunt, quæque si pau-
ca sunt, quam multa prætereunt! si numerosa, quis ea
retinere memoria poterit, quis suo loco singula memi-
nerit applicare? Quos audivimus ex subtili Rhetoris &
Grammatici disciplina, oratores ac poetas evaluisse? Quem
contra fugit, quot quantaque ingenia, imitationis abre-
pta vi, ad summa quævis enituerint? Hinc factum, quod
jam supra demonstratum (§. VIII.) fuit, ut tam inæquali
hæ litteræ diversis temporibus usæ sint fortuna, quamvis
præcepta quidem & libri artem tradentes, nullam muta-
tionem subierint. Hinc etiam patet, quam magni sit
momenti, ut in Academiis, in quibus futuri Oratores
Sacri educantur, singularis adhibeatur cura, ut præstan-
tes in hac facultate magistros audiendi occasionem habe-
ant. Recte CICERO, magni inquit interest, quos quis au-
diat quotidie. Multo hanc opem efficaciorē esse, quam
si legendis tantum præclaris exemplis, operam nayent,

temper efficacius præstantiam ejus aliis quoque sentientiam præbuerint, quam qui ipsi pigro & ignavo illum tractant animo; cur auctores, qui acerrimam olim lectoribus expresserunt admirationem, vix sine tædio a multis hodie legantur, aut etiam audiantur, quamvis proflus quidem absurde non recitentur. Quod ad veteres in primis attinet, non parum quidem illis hodie nocet exilio quoque & pauperior linguarum priscarum in plerisque lectoribus cognitio, quam quæ ad eos plene & vivide intelligendos sufficiat: sed multo etiam magis, quod eorum haud pauci, non tantum puerorum manibus ad linguarum prima elementa haurienda teruntur. Grammaticarumque minutiarum severa & tædiosa observatione ingratia redundatur, verum ita quoque tractantur, ut ne minima quidem interim elegantia ac pulcritudinis notatione adspersa, vel sensu excitato jucundo, animus discentium reficiatur; quod a Magistris fere explicantut, qui vel ipsi hunc sensum nunquam experti sunt, vel perpetuae repetitionis tædio oppresum amiserunt. Atque hoc fastidium, non ipsis solum postea adhæret auctoribus, sed toti generi, toti linguae; animique puerorum horridi tandem atque agrestes evadunt, & ad omnem elegantia sensum occallescunt. Aliter in Græcorum olim scholis HOMERUS

vel ex iis quæ de *auditus* ad sympathiam augendam vi, supra §. XIII. not. (k) monuimus, liquet; ut taceam totius actionis ac pronunciationis facultatem, nulla alia via fe iciter disci posse. Collegiis quæ dicunt exercitiisque Homilericis, privatim institutis, idem effici posse ac veris orationibus audiendis habendisque, veritate ipsa consilii, frequentia auditorum, solenni apparatu, animum excitante, frustra speratur. Cfr. MICHAELIS Raisonnement über die Protestantischen Universitäten in Deutschland I. Th. II. Abschn. §. 24, 25.

RUS legebatur, aliter apud nos vel idem ille, vel VIRGILIUS, &c. tractantur. Unde tantam ille in sua gentis ingenia vim exercuit: nos tam tenuem hodie ex nostra ratione percipimus fructum (*b*). Sæpe enim in nostris idem videas scholis contingere, quod in Papistarum usu venit sacris; ut quid agatur, doctores ægre intelligant, auditores vix suspicentur. Quam inconsulte plerumque, prima ætate, quamdiu Sympathiaæ vis tenerima est, aridis ac tædiosis maxime studiis adolescentes torquentur, nullus

(*b*) In quanta olim HOMERUS veneratione esset, quanta admiratione, quanto entusiasmo tractaretur, plane ineptum foret, ut in re notissima, multis docere velle. De Græcæ juventutis institutione WINCKELMANN Geschichte der Kunst des alterthums, I. Th. IV, Cap. I, Abschn. p. 234, sq. Die Griechen, in ihren besten zeiten, waren denkende wesen, welche zwanzig und mehr jahre schon gedacht hatten, ehe wir insgemein aus uns selbst zu denken anfangen; und die den geist in seinem grössten feuer, von der munterkeit des körpers unterstützt, beschäftigten, welcher bey uns, bis er abnimmt, unedel genähret wird. Der unmündige verstand, welcher wie eine garte rinde, den einschneidt behält und erweitert, würde nicht mit bloßen Läden ohne begriffe unterhalten, und das gehirn, gleich einer wachstafel, die nur eine gewisse anzahl worte oder bilder faszen kann, war nicht mit träumen erfüllt, wenn die wahrheit platz nehmen will. Gelehrt seyn, das ist, zu wissen was andere gewußt haben, wurde spät gesucht: gelehrt im heutigen verstande zu seyn, war in ihrer besten zeit leicht, und weise konnte ein jeder werden. -- Diesen (HOMERUM) lernete das Kind (XENOPH. Conviv. Cap. 3, §. 5.), der jüngling dachte wie der Dichter, und wenn er etwas würdiges hervorgebracht hatte, so war er unter die ersten seines volks gerechnet. Etc.

nullus elegans, nullus venustus ac jucundus auctor, quem
facile intelligant, qui & mentes excitare & animos de-
lectare possit, cuius sensus gustumque veluti imbibant,
illis traditur! Multa præterea essent, maximi utique mo-
menti, de sapienti puerorum institutione, quæ Sympa-
thia hanc rationem attingant, monenda; sed ea jam per-
sequi non vacat. Sufficit observasse: eruditissimos subti-
lissimosque magistros, non esse semper utilissimos; pul-
cherrima elegantissimaque monumenta ingenii, quæque
commendare maxime voluerimus, non semper sapientis-
sime pueris, lingua peregrina instituendis, in manus tra-
di; gravissimarum rerum ac veritatum amorem, libris,
hujusmodi argumenta persequentibus, mature tractandis,
non ubique discipulis felicissime instillari. Versandus est
ad omnes partes animus, ubi justas instituendæ juventu-
tis regulas præscribere velis, non ad unam tantum quasi
plagam (ut a plerisque fieri solet), convertendus. In
nullo persequendo arguento, ad ingenii animique hu-
mani indolem, ad experientię vocem, ad universum de-
nique totius negotii consilium, acrius, diligentius,
constantius, est attendendum.

